

光緒二年夏重鑄

肇慶府志

析津齋世熙題

志書之如是謂圖經凡閭隘之
 險易戶口之多寡水利之蓄洩
 土宜之先後不出戶庭而按圖
 可索志不綦重哉乙亥之冬攝
 事嶺西訪郡志無有也閱日瑞
 南星太守以舊本進謂咸亨四年
 之亂寶燬於火視之則凡例皆
 當獨地蓋未折因以廣東進

肇慶府志

卷首序

一

呈地圖縮而易之其陽江近已改廳赤
 溪廳之建息開六有割奪者均不
 敢刪仍舊志也因與南星太守共
 捐金刻之通詳

大府逾月而書成世嘗謂俗吏不
 可為然以官閑無事手是一編
 審地方之所宜思閭閻之疾苦
 旦夕求之究其所以然以興其利

而除其弊積之歲時未必無小補也
余未久即去、又不能躬親其事
獨慊、於是書之刻俾後來者有所
遵循因披覽而知利弊因利弊而
籌與革將治蒸、日上而聲人享
其利於無窮是則余之志也夫
光緒二年丙子秋初識於穗垣城
南之尋樂軒

肇慶府志

卷首序

二

中憲大夫 賞戴花翎 欽加按察使
司按察使銜署南韶連兵備道聲
羅分巡道雷瓊兵備道聲陽羅分巡
道事廣東候補道析津齊並書

志者記也在國為史在郡縣為志蓋方輿之廣蒼黔之衆臨政者不能躬自徧歷也因為圖若書以統貫而條理之于以知形勢察風俗考沿革徵文獻以求治道之原豈僅備觀覽已哉肇慶為郡當兩粵之衝上控高廉

下俯韶石左憑廣海右瞰蒼梧固嶺南一雄鎮也舊志刻於道光癸巳為余始生之歲蓋自壬午以後夏森圃廬訪以觀察蒞攝郡篆始加采輯歷十二寒暑乃告成于年丈珠秋山太守之手迄今四十四年矣庚午歲余

來守是邦即問志書則咸豐四年已燬于火乃從坊間覓得舊本擬作重刻之舉及乙亥之冬觀察齊公末權嶺西道事余以舊本進備言其故覲答欣然相許因共捐金發工開雕通詳大府逾年而書告成余因之有

肇慶府志

卷首序

四

感焉當年丈秋山太守刻書之時經營十載載如告成功將謂傳世不朽有舉莫廢也庸詎知不三十年遂已付诸雲煙過眼耶又嘗是年而余如生庸詎知展轉遇合重新梨棗俾其書為完書耶秋山太守與余同梓里

詰嗣廢遠崇比部又與余乙卯
同舉京兆余繼官斯土與秋山
太守相距四十四年其中似有
主之者而非人力所能為也大
抵廢興倚伏之理振古如斯而
人乃囿其中而不覺俯仰今昔
能勿深長思哉今陽江已改為

肇慶府志

卷首序

五

廳而郡中人又蔚起有蒸蒸日上之盛計其時可以重修事鉅而為日長未敢肩此任也請俟
後之君子

光緒二年歲次丙子季秋之月
中議大夫鹽運使銜知廣東肇

詰授

慶府事長白瑞昌撰書



重修肇慶府志序

郡之有志所以觀風考俗鑒古證今彰治道而昭來許者也毛萇詩傳曰升高能賦山川能說可以爲大夫豈徒矜博雅之才潤色鴻業云爾哉肇慶古端州地自宋重和元年升爲府帶山控江縮轂兩粵實東南扼要之區

國朝版章式廓道一風同重以制度日新守土者又亟宜紀錄也第博觀往籍舛陋與繁蕪交譏昔郡守吳君繩年撰志二十八卷歷年既久踵

肇慶府志

卷首

序

一

事宜增邇者觀察夏森圃先生創於前許青士先生繼於後其書犁然可觀而尙需鋟梓獨秋山太守毅然以志乘爲已任設局延儒重加刪潤復與謝堂金太守再三商榷參訂無疑然後付諸剞劂氏余於道光十一年采風茲郡時則開雕未竣故不獲先覩是編十三年秋校試穗垣秋山郵寄郡志受而讀之其書二十二卷輿圖二十七凡例十有六地輿廣輪之數參諸晷度遵

御製也職官選舉之門旁行斜上做史例也圍基培
築之處詳明丈尺崇水利也廨署以表之貢賦
以充之學校以風之錄宦績者思其政紀人物
者廣其材書節烈者闡其德嚴武備者慎其守
收金石者補其遺與夫事記雜記悉瞭然若指
諸掌是書也簡而能賅詳而有法其裨益治術
足以信今傳後者奚止如大夫之九能也哉予
嘉其擇言之精蕙事之速也爰抽毫而爲之序
道光十三年秋八月督學者黔陽李秦交撰

重修肇慶府志序

肇慶當百粵之衝扼山海之險延袤數千里舊有志宋李宗諤張宋卿二家始修之明正統間四明王縈始爲鏤版厥後屢有刪潤版凡五易我

朝乾隆二十四年郡守吳君繩年釐爲二十八卷迄今七十年矣

國家重熙累洽俗厚民淳嘉績懿行可風可紀者數十年間泯焉弗彰是守土者責也道光癸

肇慶府志

卷首序

三

未予權篆肇羅謀所以修之乃禮吳中江君藩豫章胡君森王君崇熙王君佶武林朱君人鳳共事纂輯時通志初成各邑乘亦多重新者爰集羣志以備采擇事未竟予以代去越二年乙酉許青士觀察繼至繙閱前稿尙多未備亟欲編次成書又四年己丑乃商諸太守珠君秋山延香山黃明經培芳新興陳孝廉在謙陽春鄧茂材元光設局郡城相與重訂金謝堂太守繼主之八閱月而書成會青士觀察移節高涼明

年春仍屬黃鄧二君覆勘以予始事請衡鑒焉
予惟志以紀實而體例貴嚴意在簡而能該詳
而不濫近志或失之蕪雜或未免脫略求如關
中八志繁簡得宜者未數數覲也茲志體裁嚴
整序次有法首輿地志書以志地爲宗也有輿
地而後建置興故建置次之建置以時變通昔
之所有不容沒也故古蹟次之至於治其地有
政主其地有官次經政次職官人才地之所出
也次選舉職官有善政人才有善行次宦績人

肇慶府志

卷首序

四

物藝文爲人物緒餘次人物後金石又藝文一
端次藝文後地歷久而事變不常故以事紀雜
記終焉是役也以七十年抱殘守缺之書一旦
舉而新之事經八載人更數姓而予實始終其
事予亦何能已於辭爰序其顛末以誌簡端若
夫披卷而觀覽川原之肥瘠則思所以經畫之
覩戶口之盈虛則思所以保乂之視民俗之澆
淳則思所以教誨之是所望於後之官斯土者
道光十年庚寅夏五

賜同進士出身廣東督糧道署肇羅道陞任湖
南按察使前翰林院檢討新建夏修恕撰

肇慶府志

卷首序

五

序

道光乙酉余自掖垣奉

命分巡嶺西下車卽求肇慶府吳志舊本不可
得得夏森圃前輩續修新志則屬藁未成猶待
增輯迺與秋山謝堂兩太守聘諸名宿搜羅訂
正越歲庚寅而其書始犁然可觀又越歲癸巳
秋山集資鳩工開雕訖事前後蓋經十稔矣余
自己丑冬量移高涼因公莅省必經端江北望
星巖東出羶峽輒低徊不忍去今得是書合十

肇慶府志

卷首

序

六

三邑疆域兵農人物政治之盛在官以之考鏡
於成迹在民以之觀感於前型一展卷而常若
身履其境宜何如滿志躊躇也竊惟肇慶扼兩
粵之要衝舊爲總督治所督標五營提標水陸
二營重兵咸駐於此其山川雄秀矣而田野不
盡治西潦或歲至爲菑其戶籍繁庶矣而習俗
不盡醇萑蒲或乘間竊發余待罪茲土幾歷寒
暑情無擘畫盡然疚心後之守斯土者度必有
能閱是書而察其風尚之所趨窮其利病之所

在補偏救弊與時消息然則是書之裨益滋大
豈僅爲尋繹掌故之資已哉時道光十三年夏
五月
賜進士出身署廣東按察使分巡高廉兵備道
前分巡肇羅道仁和許乃濟撰

重修肇慶府志序

通志志一省府志志一郡縣志志一邑邑載其
詳府總其要省括其全有大小相維之義焉端
州自宋重和元年升爲肇慶府厥後代有更易
國朝定鼎統轄十有三屬建兩廣總督府於郡
城中豈非以襟五嶺帶三江縮兩粵咽喉爲東
南扼要之地哉夫衝繁則防禦宜密遼濶則稽
察難周守土者酌古準今坐一室而周知四境
之利弊非志莫與屬矣舊志吳君繩年訂於乾
隆二十四年距今七十餘載道光壬午夏森圃
廉訪以觀察兼郡篆與王新齋觀察前守屠君
詳加採輯而事未竣歲丁亥予奉

肇慶府志

卷首

序

八

簡命來守此邦下車後觀察青士許公卽以志
事屬予因同爲商榷籌及經費設局於郡城之
文昌宮未幾予有護貢之役迨庚寅夏間回任
而是書適已告成予受而覽之首輿地終紀事
列爲二十二卷堂堂乎鉅製也第多歷年所其
間戶口之增益風俗之移易橋梁祠廟之遷建

人文物產之奮興卷帙繁多校讎匪易倘疎於
審定卽不免魯魚亥豕之譏是時觀察許公已
移節高涼予復與幕中諸友及高要令葉君府
縣兩學不厭精詳悉心叅校旣竣繕寫成帙質
之諸大憲皆承許可方擬開雕適又奉檄護理
高廉道篆兼權高州府事因不果自辛卯冬仲
旋端正值考試嗣以連州徵兵防堵羽書絡繹
厯碌鮮暇邇者徭疆底定政事餘閒重檢是編
時逾兩載凡夫建置職官選舉節孝有應增入

肇慶府志

卷首序

九

者又復一一補輯以臻完善用特付之剞劂昭
示來茲俾後之官斯土者攷獻徵文得以廣聞
見資統率端政本未始非風俗人心之一助至
踵事增修使斯志厯久而益備是又予之厚望
也夫

道光十三年歲在癸巳

月穀旦知肇慶府事

長白珠爾杭阿謹序

重修肇慶府志序

昔昌黎至始興卽索圖經朱子守南康先求郡志非以采風問俗攷獻徵文固守土之責歟癸巳季秋中澣余奉檄縮篆端州下車卽詢府志一書適值刊刻甫經告葺余受而讀之竊欣然以爲先得我心之同然也蓋是書倡修於王公新齋夏公森圃兩觀察暨前守屠君木齋而事未竣嗣觀察青士許公與前守珠君秋山熟籌經費開局重修前署守金君謝堂繼主之迨秋

肇慶府志

卷首

序

十

山自護貢回任書已脫稿復以權篆高涼未及付梓辛卯冬秋山旋肇再加補輯今夏始集資開雕訖事凡疆域戶口田賦山川與夫政蹟人物壇廟祠宇無不瞭如指掌皎若列眉竊以肇慶爲嶺海輿區控馭兩粵襟帶三江制府昔駐節於此營汎羅列兵甲雄壯所恃有備無患慎固封守卽以詰奸除暴綏靖閭閻此武備之宜修也至西江滙泮牂之水遠自夜郎吞百川而東注左束羚羊一峽徃徃宜洩不及汎濫堪虞

今歲夏秋以來疊遭西潦圍基多被衝決余履
任茲土適當各屬被水之後瘡痍未復撫字爲
難此水利之宜講也今日者期鼠竊之無聞則
撫陳編而知巡防之必密欲鴻嗷之永靖則稽
徃籍而思培築之宜先是書固非徒供披覽研
求之助已也至其繁簡有法叙次得體則又有
目者所共覩茲惟紀其大畧云爾

道光十三年歲在癸巳秋九月署肇慶府知韶
州府事蜀東糜良澤撰

肇慶府志

卷首序

十一